



## REPUBLIKA E MAQEDONISË SË VERIUT

### AGJENCIA PËR SHËRBIME MEDIATIKE AUDIO DHE AUDIOVIZUELE

PA1 Nr. 03-191

22.05.2023

Shkup

Në bazë të nenit 18 paragrafi (1) nënparagrafi 20 dhe neni 23 paragrafi (1) nënparagrafi 1 të Ligjit për Shërbime Mediatike Audio dhe Audiovizuele ("Gazeta Zyrtare e Republikës së Maqedonisë" nr. 184/13, 13/14, 44/14, 101/14, 132/14, 142/16, 132/17, 168 /18, 248/18 dhe 27/19 dhe "Gazeta Zyrtare e Republikës së Maqedonisë së Veriut" nr. 42/20 dhe 77/21), dhe në lidhje me nenin 15 paragrafi (3) dhe nënparagrafin 6 dhe neni 29 nga Ligji për Media ("Gazeta Zyrtare e Republikës së Maqedonisë" nr. 184/13 dhe 13/14 ), Rregullorja për mënyrën e publikimit të të dhënave për punën e transmetuesve ("Gazeta Zyrtare e Republikës së Maqedonisë" nr. 30/15), pika 7 dhe 14 e Udhëzimit. për përcaktimin e afatit për veprim sipas aktvendimeve të Agjencisë për ndërmarrje të masës (Tekst i pastruar) ark.nr.01-4139/1 datë 7.11.2022, Raportin me shkrim për mbikëqyrjen e kryer administrative ark.nr.03-1891/1 datë 24.4.2023 dhe Konkluzionin ark.nr.02-2106/4 datë 19.5.2023, Këshilli i Agjencisë për Shërbime Mediatike Audio dhe Audiovizuele, në seancën e 15-të mbajtur me 18.5.2023 miratoi si vijon:

#### **Aktvendim për ndërmarrje të masës – vërejtje publike**

1. PUBLIKISHT PARALAJMËROHET Shoqëria Tregtare Radiodifuzive (SHTR) KOMPANI 21-M SHPKNJP Shkup, për shkeljen e kryer të nenit 15 paragrafi (3) nga Ligji për Media (LM), në mënyrë që në afatin e parë të përcaktuar (më së voni deri më 31 mars) nuk ka publikuar në programin e tij të dhënat për strukturën e pronësisë, redaktorin/redaktorët përgjegjës dhe për burimet e financimit në vitin e kaluar (reklama, sponsorizime, shitje të përmbajtjeve, shërbime të ofruara palëve të treta, etj.) dhe drejtuar Agjencisë nuk ka dorëzuar regjistrimin e shpalljes në afat prej 15 ditësh nga dita e publikimit.

Shkelja nga paragrafi 1 i kësaj pike është përcaktuar në Raportin me Shkrim për mbikëqyrjen e kryer administrative, ark.nr.03-1891/1 datë 24.4.2023, i cili është pjesë përbërëse i këtij aktvendimi si Shtojcë nr.1.

2. URDHËROHET SHTR KOMPANI 21 - M SHPKNJP Shkup që në afat prej 45 (dyzet e pesë) ditësh nga dita e pranimit të këtij aktvendimi, ta harmonizojë punën e tij me dispozitat nga Ligji për Media.

3. Pas skadimit të afatit përcaktuar në pikën 2 të këtij aktvendimi, të kryhet mbikëqyrje kontrolli, për të përcaktuar nëse subjekti i mbikëqyrjes, i përcaktuar në pikën 1 të këtij aktvendimi, ka vepruar sipas aktvendimit.

4. Ky Aktvendim është përfundimtar dhe dita e miratimit të tij konsiderohet dita e çertifikimit në Arkivin e Agjencisë për Shërbime Mediale Audio dhe Audiovizuele (Agjencia).

#### **A r s y e t i m**

Agjencia në bazë të nenit 29 të Ligjit për Shërbime Mediatike Audio dhe Audiovizuele (LSHMAAV) dhe neni 29 të Ligjit për Media, është kompetente për të kryer mbikëqyrjen administrative të punës së botuesve të mediave në aspektin e përputhshmërisë së veprimtarisë së tyre me detyrimet e neneve 6, 8, 14 dhe 15 të LM.

Në pajtim me nenin 23 paragrafi (1) nënparagrafi 1 të LSHMAAV, Këshilli i Agjencisë ndërmerr masë - aktvendim për vërejtje publike në pajtim me këtë ligj, në rastet kur ka shkelje të dispozitave të LSHMAAV dhe akteve nënligjore miratuar nga Ligji i njëjtë, si dhe të kushteve dhe detyrimeve të përcaktuara me lejen dhe aktet e tjera të Agjencisë.

Në përputhje me nenin 29 paragrafi (2) të LM, masat që Agjencia si organ kompetent rregullativ mund t'i ndërmarrë, të cilat janë të përcaktuara në LSHMAAV, zbatohen gjithashtu dhe në rast të shkeljes së dispozitave të LM.

Në bazë të nenit 15 paragrafi (3) të LM, transmetuesit janë të obliguar që të dhënat nga paragrafi (1) nënparagrafët 1, 2 dhe 3 të këtij neni t'i publikojnë në programin e tyre, së paku tri herë në vit, në kohën kryesore dhe regjistrim të shpalljes t'i dorëzohet organit rregullativ kompetent në afat prej 15 ditësh nga dita e publikimit në mënyrën e përcaktuar nga organi rregullativ kompetent.

Në përputhje me nenin 4 paragrafi (1) nënparagrafi 1 të Rregullores për mënyrën e publikimit të të dhënave për punën e transmetuesve ("Gazeta Zyrtare e Republikës së Maqedonisë" nr. 30/15), transmetuesit janë të detyruar t'i publikojnë të dhënat të paktën tre herë gjatë vitit, dhe herën e parë, më së voni deri më 31 mars.

Në kuadër të kompetencave ligjore, Agjencia nëpërmjet Sektorit për planifikim strategjik dhe të drejtat e autorit, më 24 prill 2023, ka kryer mbikëqyrje të rregullt administrative ndaj shërbimit programor televiziv të SHTR KOMPANI 21-M SHPKNJ Shkup, dhe ka konstatuar shkelje të nenit 15 paragrafi (3) të LM.

Nga mbikëqyrja e rregullt është konstatuar se SHTR KOMPANI 21-M SHPKNJ Shkup, në periudhën e parë të planifikuar (më së voni deri më 31 mars) nuk ka publikuar në programin e tij të dhënat për strukturën e pronësisë, redaktorin/redaktorët përgjegjës dhe burimet e financimit të një viti më parë (reklama, sponsorizimi, shitja e përmbajtjeve, shërbimet e ofruara palëve të treta, etj.) dhe nuk ka dorëzuar regjistrimin e njoftimit në Agjenci brenda 15 ditëve nga dita e publikimit.

Shkelja nga pika 1 i këtij Aktvendimi është përcaktuar në Raportin me shkrim për mbikëqyrjen e kryer administrative, ark. nr.03-1891/1 datë 24.4.2023, i cili është pjesë përbërëse e këtij aktvendimi si Shtojcë nr.1.

Sipas nenit 23 paragrafi (3) nga LSHMAAV, Këshilli i Agjencisë drejtuar SHTR KOMPANI 21-M SHPKNJ Shkup, më 25.4.2023, ka dërguar Shkresë ark.nr.03-1891/2, ku dorëzoi Raportin me Shkrim për mbikëqyrjen e kryer administrative, ark.nr.03-1891/1 datë 24.4.2023, që në afat prej 7 ( shtatë ) ditë pune nga dita e pranimit të shkresës, drejtuar Këshillit të Agjencisë të dorëzon deklaratë me shkrim për shkeljen e kryer të dispozitave nga LM. Shkresa u pranua në mënyrë të rregullt nga ana e transmetuesit më 25.4.2023 viti . Në afatin e parashikuar, më 28.4.2023, SHTR KOMPANI 21-M SHPKNJ Shkup, drejtuar Agjencisë dorëzoi deklaratë me shkrim me Nr ynë.ark. 03-1891/3 datë 28.4.2023. Këshilli i Agjencisë në seancën e mbajtur në 18.5.2023, pasi shqyrtoi Raportin me shkrim dhe shkresën e dorëzuar-njoftim me shkrim, konkludoi ndaj SHTR KOMPANI 21-M SHPKNJ Shkup, t'i shqipton masë-vërejtje publike.

Rrjedhimisht nga sa më sipër, në bazë të nenit 18 paragrafi (1) nënparagrafi 20 dhe neni 23 paragrafi (1) nënparagrafi 1 nga LSHMAAV, dhe në lidhje me nenin 15 paragrafi (3) dhe paragrafi (6) dhe neni 29 nga LM, Rregulloren për mënyrën e publikimit të të dhënave për punën e transmetuesve, pika 7 dhe 14 të Udhëzimit për përcaktimin e afatit për veprim sipas aktvendimeve të Agjencisë për ndërmarrjen e masës (Tekst i pastruar), Raportin me shkrim mbi mbikëqyrjen e kryer administrative, ark.nr.03-1891/1 datë 24.4.2023 dhe Konkluzioni nr.02-2106/4, datë 19.5.2023, për konstatim të mos respektimit të dispozitave nga LM, përcaktuara në pikën 1 të këtij aktvendimi, Këshilli i Agjencisë në seancën e 15 –të, mbajtur më 18.5 2023, miratoi Aktvendim me të cilin publikisht paralajmërohet SHTR KOMPANI 21-M SHPKNJ Shkup, dhe urdhërohet që në afat prej 45 (dyzet e pesë) ditësh nga dita e pranimit të këtij aktvendimi ta harmonizojë punën e tij me dispozitat e LM. Pas skadimit të afatit të përcaktuar në pikën 2 të këtij aktvendimi, Agjencia do të kryejë mbikëqyrje kontrolli, për të përcaktuar nëse subjekti i mbikëqyrjes, i përcaktuar në pikën 1 të këtij aktvendimi, ka vepruar sipas aktvendimit.

Në bazë të nenit 24 të LSHMAAV, ky Aktvendim është përfundimtar dhe kundër këtij aktvendimi botuesi i medias (transmetuesi) ka të drejtë padie për ngritje të kontestit administrativ para gjykatës kompetente. Padia për ngritjen e kontestit administrativ paraqitet në afat prej 30 ditësh nga dita e pranimit të aktvendimit.

Bazuar në sa më sipër u mor aktvendim si në dispozitiv.

### **Shtojca (1):**

- 1) Raport me shkrim mbi mbikëqyrjen e kryer administrative, ark. nr.03-1891/1 datë 24.4.2023

**Agjencia për Shërbime Mediatike  
Audio dhe Audiovizuale,  
Kryetari i Këshillit  
Lazo PETRUSHEVSKI, d.v.**

**Këshillë juridike:** Kundër këtij aktvendimi transmetuesi ka të drejtë padie për ngritje të kontestit administrativ. Padia për ngritjen e kontestit administrativ paraqitet në afat prej 30 ditësh nga dita e pranimit të aktvendimit.